

**PEMBERITAHU PERTANYAAN DEWAN RAKYAT**

**PERTANYAAN : LISAN**

**DARIPADA : DATUK LIANG TECK MENG [SIMPANG  
RENGGAM]**

**TARIKH : 10 MAC 2015 (SELASA)**

**SOALAN : Datuk Liang Teck Meng [Simpang  
Renggam] minta MENTERI PERTANIAN  
DAN INDUSTRI ASAS TANI menyatakan  
adakah Kementerian mempunyai  
perancangan untuk meletakkan seorang  
pegawai pemantau di setiap pasar tani besar  
di Malaysia dalam memastikan para peniaga  
tidak menjual barangan pada harga yang  
tinggi melebihi harga ditetapkan.**

**JAWAPAN :**

**Tuan Yang Dipertua,**

Untuk makluman, FAMA telah menempatkan seorang pegawai sebagai urusetia di setiap pasar tani di seluruh negara bagi memastikan semua usahawan di pasar tani mematuhi peraturan yang telah ditetapkan. Antara peranan pegawai tersebut adalah seperti berikut:

- (i) memaparkan senarai harga panduan kepada usahawan pasar tani dan pengunjung pasar tani;
- (ii) memastikan semua usahawan meletakkan tanda harga bagi produk yang dijual;
- (iii) memastikan harga yang dijual oleh usahawan adalah lebih rendah atau sama dengan harga panduan yang ditetapkan;
- (iv) memantau hal-hal berkaitan disiplin usahawan;
- (v) menasihati usahawan berkaitan peragaan barangan bagi memastikan kekemasan susun atur barangan jualan; dan
- (vi) memastikan SOP dipatuhi oleh semua usahawan.